



Reglement

for eldrerådet



Møre og Romsdal
fylkeskommune

Innhold

I	Føremål	3
II	Val og samansetting.....	3
III	Arbeidsområde.....	3
IV	Møte, sekretariat og økonomi	4

Fastsett i medhald av Lov om kommunar og fylkeskommunar (kommuneloven) § 5-12 vedteke av Stortinget 11. juni 2018.
Vedtak i fylkestinget i Møre og Romsdal: sak T-71/19 (14. - 16. oktober 2019) og sak T-77/20 (13. oktober 2020).

I FØREMÅL

§ 1 Eldrerådet er eit rådgjevande organ for fylkeskommunen, og har rett til å uttale seg i saker som gjeld eldre.

Fylkeskommunen skal sørge for ei brei, open og tilgjengeleg medverknad frå eldre gjennom eldrerådet i saker som angår dei.

II VAL OG SAMANSETTING

§ 2 Medlemene i eldrerådet blir personlege oppnemnde medlemmer. Oppnemninga blir gjort av fylkestinget etter framlegg frå aktuelle organisasjonar jf forskrift om medvirkningsordningar § 3. Eldrerådet si funksjonstid følgjer fylkestingvalperioden.

Eldrerådet skal ha 7 medlemmar og er samansett slik:

- 4 av medlemene skal veljast etter framlegg frå organisasjonar for eldre i fylket.
 - 3 politikarar frå fylkestinget, primært ein frå kvart hovudutval.
- Fleirtalet av medlemene i eldrerådet skal på valtidspunktet ha fylt 60 år.
Kvart medlem skal ha 3 personlege varamedlemmer i rekkefølge.

Eldrerådet vel sjølv leiar og nestleiar mellom medlemane i eldrerådet for den fylkeskommunale valperioden.

Politiske styringsorgan og forvaltningsorgan som ikkje er representert i eldrerådet kan kallast inn til møta.

Dersom ein medlem eller varamedlem trer ut av utvalet, skal fylkestinget i medhald av kommunelova § 7-10 velje ny medlem eller varamedlem.

III ARBEIDSOMRÅDE

§ 3 Eldrerådet skal behandle alle saker som gjeld eldre.

Eldrerådet kan sjølv ta opp saker som vedkjem eldre i fylket.

Eldrerådet skal ikkje behandle saker som gjeld enkeltpersonar.

Eldrerådet skal kvart år utarbeide ei årsmelding som skal leggest fram for fylkestinget.

Uttalar skal følge saksdokumentet til det fylkeskommunale organet som avgjer saka endeleg.

IV MØTE, SEKRETARIAT OG ØKONOMI

§ 4 Møte

Eldrerådet blir innkalla etter fastsett møteplan, og med rimeleg frist. Innkallinga, saman med saksdokumenta, skal sendast faste medlemmer og varamedlemer.

Eldrerådet kan elles innkallast når leiaren eller tre av medlemene krev det, jf. kommunelova § 11-2.

Når vilkåra etter kommunelova § 11-7 og § 11-8 er til stades, kan eldrerådet ta avgjerd ved

- 1)- fjernmøte
- 2)- skriftleg saksbehandling

Avgjerd om dette blir gjort av leiaren i kvart einskild høve.

Eldrerådet er vedtaksført når minst halvparten av medlemene er til stades, jf. kommunelova § 11-9.

Det skal førast møtebok jf. kommunelova § 11-4.

§ 5 Saksbehandlingsreglar

Fylkeskommunedirektøren skal etablere rutinar som sikrar at eldrerådet mottek sakene så tidleg i saksbehandlinga at ein uttale frå eldrerådet har moglegheit til å påverke utfallet av saken.

Den enkelte etat/avdelingssjef har ansvar for å innhente eldrerådet sitt syn som ledd i saksførebuinga.

Dersom det ikkje er mogleg å innhente eldrerådet sitt syn på førehand, skal ein representant frå eldrerådet innkallast til møte i hovudutvala og eventuelt fylkesutval eller fylkesting.

§ 6 Sekretariat og økonomi

Sekretariatsfunksjonen skal ligge til fylkeskommunedirektøren.

Medlemer som ikkje møter på vegne av offentleg myndighet får møte- og reisegodtgjersle etter fylkeskommunen sitt reiseregulativ. Tapt arbeidsforteneste eller utgifter til følgje, tolk, tilsyn i heimen osv. i samband med møta, blir dekt på same måte.

**Besøksadresse**

Møre og Romsdal fylkeskommune
Julsundvegen 9
6412 Molde

Postadresse

Møre og Romsdal fylkeskommune
Postboks 2500
6404 Molde

Telefon: 71 25 80 00**Mail:** post@mrfylke.no**Web:** mrfylke.no

Møre og Romsdal
fylkeskommune